

## Transkription von Stadtbucheintrag HRO 1354a

Ort, Datierung: Rostock, 1354-03-02

Signatur: Stadtarchiv Rostock, Liber miscellaneus Nr. 196, Bl. 80a (1.1.3.1 - 2.11.196) [\[online\]](#)

Inhalt: Rat der Städte Lübeck, Wismar, Rostock, Stralsund, Greifswald und Stettin:  
Verordnungen für Gropengießer und Gesellen

Dor mener nûd willen . hebbe wi radmanne der stede Lubeke . wysm(er) . rozstoch / stralessund .  
g(ri)peswold vnde stetyne . ouer en ghedreghen . dat de gropenghetere / scholen gheten gropen . van  
wekeme coppere . ghemenghet na rechter mate . alsoe / tû deme schippunde wekes koppers . de helfte  
gropen spise . efte veer liuesche pund / tenes . ane bly . vnde en iewelk schal sin werk . merken mid  
sines stades merke . / vn(de) mid sines sulves merke . mer twischen hir vn(de) sunte jacobes daghe  
neghest / tû komende . moghen se sodan ghûd , alsoe se nû hebben . gheten vn(de) verkopen . hir /  
binnen landes vnde butene . ouer na sunte jacobes daghe . scholen se dat hir / binnen landes . nicht  
mer gheten noch vorkopen . mer buten landes ouer see . / moghen se dat na wol vorvteren . bed tû  
deme neghesten sunte mertens da/ghe . vn(de) nicht lenk . We ouer de gropen spise anders menghede  
. vn(de) ghôte . / wan hir vore secht is . dat schalmen richten vor valsche . vn(de) schal dar vmme /  
wedden siner stad . x . mark suluers . vnde vor wandelbar dre mark suluers . / vnde dar schalmen twe  
mestere tû hebben . alsoe enen van den kopluden . de / de gropen pleghen tû vorkopende . vn(de) enen  
gropengheter . de dat bi eren / eden be waren .

Vordmer hebbe wi ouer enghedreghen . vmme alle arbeydes lude . van / allen ammeten . welk knecht  
van sineme heren schedet . vn(de) anders wor denen / wil . de schal weruen der stad bref . dat he sich  
wol ghehandeld hebbe / dar he ghe dened heft . Deyt he des nicht . so schalmen eme in nener desser /  
vorbenømeden stede . tō deneste tû steden . Ghesetted vn(de) ouer enghedreghen / sind desser stukke .  
in den iaren de bord godes . drudteynhunderd . in deme / ver vn(de) viftegheysten iare . des sønen  
daghes tû inuocauit . in der stad tû / Rozstoch . bi dren mark suluers . /